

**EXPEDIENTE DE MODIFICACIÓN DA ORDENANZA FISCAL REGULADORA DA TAXA POR
PRESTACIÓN DO SERVIZO DE REDES DE SUMIDOIROS E DEPURACIÓN DE AUGAS RESIDUAIS**

1º.—De conformidade co disposto nos artigos 15.1, 16 e 17 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, apróbase con carácter provisional a modificación Ordenanza Fiscal Reguladora da Taxa por prestación do servizo de redes de sumidoiros e depuración de augas residuais dando nova redacción ao seu texto, segundo se recolle en documento anexo á presente proposta, surtindo efectos a partir do día 1 de xaneiro de 2014.

2º.—O presente acordo será exposto ó público no Tablón de Edictos do Concello, no Boletín Oficial da Provincia e nun diario dos de maior difusión da provincia durante o prazo de 30 días hábiles, a fin de que os interesados poidan examinalo expediente e presentar as reclamacións que estimen oportunas, quedando elevado a definitivo no caso de que non se presentaran reclamacións dentro do prazo sinalado.

**EXPEDIENTE DE MODIFICACIÓN DA ORDENANZA FISCAL REGULADORA DA TAXA POLA
TRAMITACIÓN E EXPEDICIÓN DE DOCUMENTOS ADMINISTRATIVOS**

1º.—De conformidade co disposto nos artigos 15.1, 16 e 17 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, apróbase con carácter provisional a modificación da Ordenanza Fiscal Reguladora da Taxa pola tramitación e expedición de documentos administrativos, dando nova redacción ao seu texto, segundo se recolle en documento anexo á presente proposta, surtindo efectos a partir do día seguinte ao da súa publicación íntegra no Boletín Oficial da Provincia.

2º.—O presente acordo será exposto ó público no Tablón de Edictos do Concello, no Boletín Oficial da Provincia e nun diario dos de maior difusión da provincia durante o prazo de 30 días hábiles, a fin de que os interesados poidan examinar o expediente e presentar as reclamacións que estimen oportunas, quedando elevado a definitivo no caso de que non se presentaran reclamacións dentro do prazo sinalado.

ORDENANZA FISCAL REGULADORA DA TAXA POR RECOLLIDA DE LIXO**ARTIGO 1.—FUNDAMENTO E NATUREZA**

En uso das facultades concedidas polos artigos 133.2 e 142 da Constitución e polo artigo 106 da Lei 7/1.985, do 2 de abril, reguladora das bases de réxime local, e de conformidade co disposto nos artigos 15 a 19 do RDLex. 2/2004, do 5 de marzo, polo que se aproba o texto refundido da Lei reguladora das facendas locais, este concello establece a taxa por recollida de lixo, que se rexerá pola presente ordenanza fiscal, e que atende as normas previstas no artigo 20 do citado RDLex. 2/2004, do 5 de marzo.

ARTIGO 2.—FEITO IMPOÑIBLE

1.—Constitúe o feito imponible desta taxa a prestación do servizo de recepción obrigatoria de recollida de residuos sólidos urbanos no termo municipal do Grove, o seu transporte aos centros de eliminación e posterior tratamento. Quedan fóra do ámbito de aplicación da presente ordenanza os residuos que, procedentes de calquera actividade ou servizo, estean incluídos pola normativa legal e regulamentaria de aplicación dentro dos considerados como tóxicos ou perigosos. As obrigas específicas que necesariamente deberán cumprir os produtores ou posuidores desta clase de residuos serán as establecidas na Lei 22/2011, do 28 de xullo, de residuos e solos contaminados.

2.—Entenderase de recepción obrigatoria o servizo prestado a todas as vivendas, locais e establecementos comerciais, industriais, profesionais ou de outros usos que estean en condicións de habitabilidade ou utilización con independencia de que estean ou non habitados ou utilizados. **En consecuencia, todos eles tributan unha cota mínima de dispoñibilidade do servizo en contía igual á tarifa de vivenda.**

3.—Considéranse, para efectos desta ordenanza, residuos sólidos urbanos, os residuos procedentes de vivendas, edificios, centros públicos e privados sen excepción ningunha; os mobles, útiles e trastes inútiles, así como os xerados en establecementos de toda clase, industrias, clínicas, sanatorios, hospitais, laboratorios

e establecementos análogos sempre que, consonte a lexislación vixente en materia de residuos, teñan a consideración de residuos sólidos urbanos ou asimilables a estes, estando suxeito o seu vertido á autorización previa do Concello.

ARTIGO 3.—SUXEITOS PASIVOS

1.—Son suxeitos pasivos contribuíntes as persoas físicas ou xurídicas e as entidades a que se refire o artigo 35.4 da Lei 58/2003, do 17 de decembro, xeral tributaria, que ocupen ou utilicen as vivendas, establecementos e instalacións de calquera uso, sexa a título de propietario ou usufrutuario, habitacionista ou arrendatario.

2.—Para o caso das vivendas, son suxeitos pasivos e obrigados ao pagamento da taxa, na súa condición de contribuíntes ou substitutos dos contribuíntes, os propietarios ou usufrutuarios aos cales poderán repercutir, de ser o caso, as cotas satisfeitas aos usuarios daqueles, beneficiarios do servizo.

3.—Para o caso de locais de uso distinto á vivenda, que se atopen pechados ou sen uso, son suxeitos pasivos obrigados ao pagamento da taxa os propietarios ou usufrutuarios.

4.—Para o caso de locais ou establecementos con actividade comercial, industrial, profesional ou de outro uso, son suxeitos pasivos obrigados ao pagamento da taxa os titulares da actividade ou actividades que se desenvolven nos locais.

ARTIGO 4.—RESPONSABLES

1.—Responderán solidariamente das obrigacións tributarias do suxeito pasivo as persoas físicas e xurídicas ás que se refiren os artigos 38.1 e 39 da Lei xeral tributaria.

2.—Serán responsables subsidiarios os administradores das sociedades e os síndicos, interventores ou liquidadores de crebas, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

ARTIGO 5.—BENEFICIOS FISCAIS

Soamente se admitirán nesta taxa as exencións e bonificacións que veñan establecidas en tratados ou acordos internacionais ou en normas con rango de lei.

En casos excepcionais, e logo dun informe xustificativo do departamento de Servizos Sociais, onde se poña de manifesto a imposibilidade de facer fronte ao pagamento do tributo, a Xunta de Goberno Local poderá acordar a exención, por un tempo determinado, do obrigado tributario ao pago da taxa.

ARTIGO 6.—COTA TRIBUTARIA

A cota desta taxa será a que figura no seguinte cadro e responde á cantidade ou calidade do lixo producido ou susceptible de ser producido polo contribuínte.

Cando as tarifas se refiran a m², estes serán computados polos totais construídos onde se exerce a actividade obxecto da taxa.

CÓD. TARIFA	ACTIVIDADES	COTAS ANUAIS EUROS
I	Vivendas, despachos, locais baleiros, actividades non comprendidas noutros apartados	93,25
II	Supermercados > 200 m ² , hoteis con cociña > 75 cuartos, cámpings > 75 parcelas, fábricas conserveiras e de envasado de alimentos	1968,40
III	Supermercados entre 75 e 200 m ² , restaurantes e similares > de 100 m ² , hoteis con cociña entre 25 e 75 cuartos, cámpings < 75 parcelas, casinos, com. men. aliment. e beb. > 75 m ²	880,60
IV	Comercio menor aliment. e beb. entre 50 e 75 m ² , hoteis con cociña < 25 cuartos, hoteis residencia sen cociña > 25 cuartos, depuradoras, piscifactorías, barcos de recreo, bares, cafeterías e discotecas > 100 m ² , restaurantes e similares entre 50 e 100 m ²	518,00
V	Bares e cafeterías entre 50 e 100 m ² , ferraxerías e enxoval > 75 m ² , almacéns frigoríficos, almacéns de materiais de construción, acuarios, hoteis residencia sen cociña < 25 cuartos, discotecas < 100 m ² , restaurantes e similares < 50 m ² , estacións de servizo, talleres do automóbil	388,50
VI	Bares e cafeterías < 50 m ² , ferraxerías e enxoval < 75 m ² , cines, banca, pastelerías, panaderías, tendas de roupa, mobiliario, regalos, papelería, venda de periódicos revistas, talleres non de automoción, carpinterías, comercio menor aliment. e beb. < 50 m ² , tanatorios, florerías, salóns de peiteado, lavado vehículos	227,90

ARTIGO 7º. DEVINDICACIÓN

1.—Devindicarase a taxa e nace a obrigaón de contribuír desde o momento en que se inicie a prestación do servizo, entendéndose iniciada, dada a natureza de recepción obrigatoria deste, cando estea establecido e en funcionamento o servizo municipal de recollida de lixo nas rúas, barrios ou lugares onde figuren as vivendas ou locais utilizados polos contribuíntes suxeitos á taxa. **A recollida significa a retirada e depósito, por parte da Administración, das bolsas de lixo que os usuarios teñen a obrigaón de colocar en colectores ou nos lugares máis próximos onde habitualmente se veña facendo.**

2.—Establecido e en funcionamento o referido servizo, as cotas devindicaranse semestralmente o primeiro día do período que sinala a tarifa da taxa ou, se é o caso, na data que se realice o feito imponible, agás nos casos de inicio ou cese no uso do servizo, nos que o período impositivo se axustará á dita circunstancia, rateándose a cota correspondente por trimestres naturais.

3.—No caso de transmisións de propiedades ou actividades comerciais, profesionais ou industriais que se efectúen durante un semestre natural procederase así mesmo ao rateo das cotas por trimestres naturais.

4.—No caso de alta ou cese en actividades profesionais, comerciais ou industriais, procederase ao rateo no epígrafe que corresponda por trimestres naturais.

5.—Para estes efectos considerárase como cese na actividade a baixa no imposto de actividades económicas, salvo que polos servizos de inspección municipais se demostre que tal actividade se segue exercendo na práctica.

6.—Durante o período de baixa das actividades anteriores, tributarase pola tarifa I do anexo a presente ordenanza que regula as cotas anuais.

ARTIGO 8.—DECLARACIÓN, LIQUIDACIÓN E PERÍODO IMPOSITIVO

1.—O período impositivo será de semestres naturais.

2.—A taxa liquidarase semestralmente cando se presente a solicitude de alta no padrón correspondente.

3.—Se se utiliza o servizo sen mediar solicitude darase a alta de oficio no padrón, liquidarase e notificarase aos interesados sen prexuízo da apertura do correspondente expediente sancionador por infracción tributaria.

4.—Unha vez producida a alta no correspondente padrón a liquidación desta taxa acomodarse ao procedemento previsto para os valores recibo (padrón, censo, matrícula etc.)

ARTIGO 9.—INGRESO

1.—As cotas desta taxa liquidaranse e esixíranse no momento de presentar a correspondente solicitude, ou de oficio, producíndose a alta no correspondente padrón.

2.—Unha vez producida a alta, a taxa exaccionarase por padrón esixíndose o seu importe por semestres, durante o período de cobramento que se estableza mediante os correspondentes anuncios de cobro pola Alcaldía.

DISPOSICIÓN DEROGATORIA

Queda derogada a anterior ordenanza reguladora da taxa por recollida de lixo así como todas aquelas disposicións de menor ou igual rango que contradigan o disposto no presente texto.

DISPOSICIÓN FINAL

A presente ordenanza fiscal, e o seu anexo, entrará en vigor o mesmo día da súa publicación no Boletín Oficial da Provincia e será de aplicación a partir do 1.º día do semestre natural seguinte á data descrita, permanecendo en vigor ata a súa modificación ou derogación expresa.